

wen her vꝛ addir yn riten solde am tore nicht lange gesumet worde vꝛ nymant vꝛ addir yn lyße wen Er frederiche vꝛnd weime her by sich hette. Alz schide wir vff denselbien Abend von ym.

Dez nechstin mitwochin morgins vor sinte laurenz nach demselbien vorbenuptin dinstage schickte wir vns in allermase alz wir des abends von vnsern herren gescheidin worn. wir tetin vns in vnsern harnischz wir luden vnser Schermen dy wir den abend vꝛnd dy gancze nacht noch schwerlichin musten buwen wir luden vnser leyteren vnser Buchsen vnser Spise vꝛnd schufin alles daz beddirwe lute zcu zoteyme geschestin by erem herren habin sollin alz wir daz beste gehabin muchtin vꝛnd alle vnser wagnyne stunden vff deme Markte by dem Rathuz vꝛnd vff den gassen geladen vꝛnd dy pherd bereit dovor gespannen vꝛnd wartin wen vns vnser herre Botschap tete daz wir komen soldin daz zcog sich in dy lenge bys daz der zegir fir slan wolde da sante wir eynen vꝛ deme Räte zcu vnsern herren vꝛnd lisen ym fragin ab wir schire komen solden wen vnser Burger weren alle bereit. do entböt her vns widdir her were noch nicht gancz bereit mit synen frundin vꝛnd weren ouch noch nicht alle komen wen is steit vns nicht noch alz wol zcu alz wir gerne sehen alz balde alz her bereit worde zo welde her zcu vns senden daz wir denne qwemen. daz ezog sich vff bys in dy achte stunde do meynte wir mit den burgirn nw sichs so yn dy lenge höge wer wuste denne welg zeit her noch bereit worde vꝛnd ginge so von en ander daz wir vnser harnischz eyn teil weldin vꝛ thun daz wir nicht den hals abe sleptin vꝛnd trügin wen wir dort hen qwemen daz wir nicht müde wern forder wen andir lute wen wir doch geloubtin dy irste wache by buchsen vꝛnd schermen worde vns are befohlen wen andir luten vꝛnd schiden also von en ander wen vns vnser herre botschaft tete zo solde man dy Ratglocke luten zo solde eyn ißlicher bereit werdin vꝛnd zcu dem Rathuz komen, do